


淵

穎

集

五





集 穎 淵

(五)

撰 萊 吳

淵穎集卷八

二月六日雨書都城舊事

燕南趙北吹黃塵。

〔後漢書〕公孫瓚時謠言曰燕南陞趙北際中央不合大如礪。惟有此中可避世。〔徐陵答東海太守書〕燕南趙北地角天涯。

九天堂闕生紫雲。

〔呂氏春秋〕天有九野東方蒼天東南

方陽天南方炎天西南方朱天西方顙天西方幽天北方玄天東北方變天中央鈞天。

十二門開衢路直。

〔大金國志〕都城四圍凡七十五里城門十二每一面分三門其正門四傍又設兩門正東曰宣曜陽春施仁正西曰灝華麗澤彰義

正南曰豐宜景風端禮正北曰通元會城崇智內城門在外。〔周禮〕注天子十二門通十二子也。〔班固西都賦〕立十二之通門。

畫輪馳馬多行客。歲寒殿外柳纔青。金水河邊水尙

白。

金水河解見送俞子琦。

雞人傳漏放曉朝。

〔周禮〕雞人夜呼旦以詔百官。〔漢官儀〕宮中不得畜雞衛士候於朱雀門外傳雞唱。〔唐制〕率更掌漏刻五五令相次爲二十五點。〔張衡渾天儀制〕以銅爲器實以清水。

下各開孔以玉虬吐漏水入兩壺。〔南史〕陳文帝每雞人伺漏傳籤於殿中者令投籤於階石上鎗然有聲云吾雖得眠亦令驚覺。

文石分班押百僚。

文石解見觀張循王戰處。

南陽近親最舞蹈。

〔後漢書〕光

武詔州郡檢察田戶口時州郡各遣使奏事見陳留吏牘上有書云潁川弘農可問河南南陽不可問帝詰吏蘇時皇子東海公陽年十二對曰河南帝城多近臣南陽帝鄉多近親田宅踰制不可爲準。

京兆耆舊爭歌謠。

〔前漢書〕武帝以右

扶風左馮翊京兆尹爲三輔治長安城中〔按志〕今陝西西安府

教坊供奉飾玉女

解見樓彥珍北游

鐘能鐘聲鼓能鼓錦來西蜀被玄駝

〔水經注〕夷里道西故錦官也言

織工織錦則濯之江流而錦至鮮明濯以江沱則色弱矣〔益州記〕錦城在益州南笮橋東流江南岸昔蜀時故錦官也〔蜀都賦〕百室離房機杼相和貝錦斐成濯色江波〔杜甫詩〕駝背錦模糊〔注〕言駝背負物以錦帕蒙之

肉出大官冷

猛虎

〔通典〕光祿領大官珍產良醢掌醢等四署

初日扶桑稍照人內筵錫燕杏花春水犢駢牲泰時祀

記牲用駢尙赤也用犢貴誠也〔漢書武帝紀〕元鼎五年立

泰時於甘泉

天子親郊見鸞旗翠蓋驪山巡

〔長安志〕開元後玄宗每歲十月幸溫湯歲盡而歸〔寰宇記〕溫湯在驪山下〔雍錄〕驪山溫泉秦漢隋唐皆常游幸惟玄宗特修宮殿包裹一山而繚牆周徧其外

東風萬里

飄寒雨我昔所聞今不睹快然呼酒擊酒壺茂陵徐生曾上書

〔前漢霍光傳〕初霍氏奢侈茂陵徐福上疏言宜以時抑制其權及霍氏誅滅而告霍氏者皆封人爲福上

書帝帝迺賜福帛

十疋後以爲郎

送楊文仲典史歸餘姚

〔按〕志餘姚屬浙江紹興府

楊君東去山龍從

〔司馬相如上林賦〕崇山矗矗龍從崔巍〔注〕山高峻貌靜音雙從音疎

白髮三年餘種種

〔左傳〕齊盧蒲瑱曰余髮如此種種矣余奚能爲子雅曰彼其髮短而心甚長其或寢處我

矣

我來相送出江郊飛絮撲舟煙霧重回思始見色可挹豈恨屢往門能踵芙蓉映幕雲氣生

芙蓉解見登臥龍山

苜蓿分盤日光動。

〔唐詩紀事〕薛令之閩之長溪人。及第遷大庶子。開元中。東宮官僚清談。令之題詩。自悼曰。朝日上團圓。照見先生盤。盤中何所有。苜蓿長闌干。飯澁時難縮。羹稀飭易寬。無以謀朝夕。何由保歲寒。上幸東宮。覽之。案筆題其傍曰。啄木口嘴長。鳳凰羽毛短。若嫌松桂寒。任逐桑榆暖。令之遂謝病歸。

傍曰。啄木口嘴長。鳳凰羽毛短。若嫌松桂寒。任逐桑榆暖。令之遂謝病歸。

信知邑令頗清淨。

〔前漢書〕曹公爲齊相。蓋公爲言治道貴清淨。而民自定。參乃避正堂以舍之用。其言齊國安集。

疇謂民塵極單。要。

〔唐書宋務光傳〕公私更竭。戶口減耗。惡方勇切。

芳春有景。僅桑麻。儉歲無秋。徒結總。

〔書〕若農服田力穡。乃亦有秋。〔又〕百里賦納總。二百里納經。三百里納結。四百里粟。五百里米。〔注〕禾本全曰總。半

稟去皮曰結。

徵科得考。寧敢問。

〔通鑑〕唐陽城爲道州刺史。治民如治家。賦稅不登。觀察使數加誚讓。城自署其考曰。撫字心勞。徵科政拙。考下下。

案牘持平。終不壅。間因武具治救。

鍛。穀音聊。解見應仲章書至。

恆啓刑書。甦桔萃。

〔書〕明啓刑書。胥占。〔周禮〕掌囚上罪。桔萃而桎。〔注〕桔。手械。桎。足械也。〔說文〕萃。兩手同械也。音拱。

惟其巽入。混瑕垢。

〔易〕巽入也。〔左傳〕

瑾瑜匿瑕。國君含垢。

直以優游。傲榮寵。

〔詩〕優哉游哉。

素鵬久蓄衣共潔。

〔謝靈運雪賦〕白鵬失素。

瘦馬多騎骨尤聳。

〔杜甫瘦馬行〕東郊瘦馬使我傷。骨節硤兀。

如堵牆。絆之欲動轉欲側。此豈有意仍騰驕。

香凝圖畫。居自閑。味絕葷羶。食非冗。且將厚本植根莖。何況推仁完毳毼。

〔書〕鳥獸毛毼。〔注〕毛落

更生。潤澤鮮好也。音選。〔又〕鳥獸毼毛。〔注〕生粟毼細毛。以自溫音而嘯反。

嗟哉世事更變化。眼識兒郎盡珪璋。臯比擁座早私淑。

〔左傳〕蒙臯比而先犯之。〔注〕臯比。

虎皮也。

筆墨專場乃真勇。劍馳梁宋或操鐔。

〔莊子〕莊子見趙文王曰。臣有三劍。有天子劍。有諸侯劍。有庶人劍。天子之劍。以燕豁石城爲鋒。齊岱爲錐。晉魏爲脊。周宋爲鐔。韓魏爲夾。此劍一用天下服矣。

弦擊邳邳行繳鷺。

〔史記楚世家〕秦、魏、燕、趙者，麒麟也。齊、魯、韓、衛者，青首也。鄒、費、邳、邳者，羅鷺也。外其餘則不足射。鷺音鷺。小鳥。〔說文〕邳奚仲之後，仲應所封國。〔又〕邳少昊之後所封國。

交游已定肯論心。

學習相符須貫統。曩昔大海沂空闊。聊擬翁洲覓鉛瀕。

翁洲，解見還舍後。〔參同契〕胡粉投炭內，色壞還爲鉛。〔說文〕青金也。〔玉篇〕黑錫也。〔淮南子〕弱土之氣，御於白。

天生白礬，白礬生白瀕。五百歲生白金。

瀕音永。〔說文〕丹砂所化爲水銀。

蠟屐穿林草木愁。

蠟屐，解見去歲留杭。

蒲帆壓島鯨鼉悚。每令故友役吟夢。猶笑青年

伏畊隴。道途窅窅身更遠。勳業悠悠志仍鞏。送君便欲東過越。龍井泉頭看晴湧。山杯一酬復愴然。

〔庚信詩〕野

爐燒樹葉，山杯捧竹根。〔按〕

寶子野，以竹根爲飲器。

古曲何能効羅嘖。

〔玉篇〕羅嘖，歌曲也。〔通雅〕羅嘖猶來羅。〔雲溪友議〕元公贈劉探春曰：選詞能唱望夫歌，即羅嘖曲也。〔按〕元公謂元稹也。元稹廉問浙東，有妓女劉探春。

自淮甸來，能歌此曲。閨婦行人聞者，莫不流涕。〔按〕金陵有羅嘖樓，陳後主所建。

觀唐薛調劉無雙傳戲作劉無雙歌

〔唐杜光庭豪客傳〕王仙客者，建中朝劉震之甥也。初，仙客父亡，與母同歸外氏。震有女曰無雙，端麗聰慧。一日，王氏姊疾，召震以仙客爲托。無雙異日，無令

歸他族，姊竟不痊。仙客護喪歸葬，服闋，念身世孤子，宜求婚娶，以廣後嗣。於是飾裝抵京師，時震爲尙書租庸使，舅甥之分，依然如故，但寂不聞選取之議。一日，震趨朝，至日初出，勿然走馬入宅，汗流氣促，唯言鑠卻大門，鑠卻大門，一家惶駭良久，乃言：「涇原兵士反，姚令言領兵入含元殿，天子出苑北門，百官奔赴行在，因召仙客，與我勾當家事。我嫁與爾無雙，乃裝金銀羅錦二十駄，令仙客易衣，押令出開遠門，覓一深隙店安下。我以汝舅母及無雙出啓夏門，邊城續至，仙客依所教，至店中久待不

至。因乘驄秉燭，遶城至啓夏門。見守門者下馬徐問曰：城中有何事如此？又問今日有何人出此門？門者曰：朱太尉已作天子。午後有一人領婦人四五輩欲出此門，議是劉尙書不敢放出。近夜追騎至，一時驅向北去也。仙客失聲慟哭，歸店三更向盡。城門忽見火炬如畫，兵士皆持兵傳呼出城，搜城外朝官。仙客捨輜騎，驚走歸襄陽。三年後，知尅復京闕，乃入京訪舅氏消息。至新昌南街，遇其舅家舊蒼頭塞鴻，而震與夫人以受僞命官皆處極刑，無雙已入掖庭矣。仙客哀冤號絕，問鴻舊家人得無雙婢採蘋於金吾將軍王遂中宅，厚價以贖。曰：無雙固無見期，得見採蘋，死亦足矣。因稅屋與鴻蘋居。久之，遂中薦見仙客於京兆尹李齊運。齊運以仙客前銜爲富平縣尹，知長樂驛，報有使押領內家三十人往園林以備洒掃，宿長樂驛，覆車子十乘下訖。仙客謂塞鴻曰：我聞宮嬪選在掖庭，多衣冠子女，恐無雙在焉。因令塞鴻假爲驛吏，烹茗於簾外。至夜深，忽開簾下語曰：塞鴻塞鴻，汝爭得知我在此也？郎健否？言訖嗚咽。又曰：明日我去後，汝於東北舍閣子中紫梅下取書送郎君，言訖便去。忽聞簾下極鬧，云內家中惡，中使索湯藥甚急，乃無雙也。鴻疾告仙客，仙客驚曰：我何得一見鴻？曰：今方修渭橋，郎君可假作理橋官。車子過橋時，近車子立，無雙若認得，必開簾子，當得瞥見耳。仙客如其言，至第三車子果開簾子，真無雙也。悲感不勝。鴻於梅下得書，花牋五幅，皆無雙真跡，詞理哀切。仙客覽之涕下，自此永訣矣。其書後云：常見敕使，說富平縣古押衙，人間有心人，今能求之否？仙客遂歸本官尋訪，造謁古生，生所願必力致之。一年未開口，秩滿閑居於縣。古生忽來謂仙客曰：洪一武夫，年且老，何所用？察郎君之意，將有求於老夫。老夫乃一片有心人，願以身效。仙客泣拜以實告。古生仰天以手拍胸數四曰：此事大不易，然與郎君試求，不可朝夕便望。自此半歲無消息。一日扣門，乃古生送書。書云：茅山使者迴，且來此。仙客奔馬去，見古生，生乃無一言。又啓使者，復云殺卻也。且喫茶。夜深謂仙客曰：宅中有女家人，識無雙否？仙客以採蘋對。仙客取至，古生端相且笑，且喜云：借留三五日後。累日忽傳說有高品過處置閹宦宮人。仙客心甚異之，令塞鴻探所殺者，乃無雙也。仙客號哭，不能自已。是夜更深，開扣門甚急，及開門，乃古生也。領一篋子入，謂仙客曰：此無雙也。今死矣，心頭微暖。後日當活。微灌湯藥，切須靜密，言訖仙客抱入閣子中，獨守之。至明，遍體有煖氣，救療至夜方愈。古生又曰：暫借塞鴻於後掘一坑，坑稍深，抽刀

斷鴻頭於坑中古生曰莫怕今日報郎君恩足矣比聞茅山道士有藥術其藥服之者立死三日卻活某求得一丸昨令探
蘋假作中使以無雙逆黨賜此藥令自盡至陵下託以親故百縑贖其屍凡道路郵傳皆厚賂矣茅山使者乃舁篋人在野外
處置訖老夫爲郎亦自刎郎君不得更居此門外有擔子一十人馬五四綰三百匹五更掣無雙
便發變姓名浪迹以避禍言訖舉刀仙客救之頭已落矣遂并屍覆訖挈家歸襄陽與無雙偕老

劉家無雙妙春華

〔潘尼詩〕流聲韻
秋蘭摘藻豔春華

雙眉楊柳臉蓮花

〔唐人咏柳詩〕眉同京兆秀腰學楚宮纖〔按〕明皇十眉圖
有柳葉眉〔唐書〕張昌宗以姿美見幸楊再思每日人言六郎

似荷花非也正謂

荷花似六郎耳

父母衣裳惜不嫁黃銀蹙繡鴛鴦紗涇原軍動霜刀起灞漣塵揚奔騎止

〔通鑑〕唐德宗建
中四年朱泚反據長

安上發涇原等道兵救襄城十月涇原節度使姚令言將兵五千至京師軍士冒雨寒甚多攜子弟而來冀得厚賜遺其家既至一無所
賜發至涇水詔京兆尹王翊犒師惟糲食菜餒衆怒蹴而覆之乃擐甲張旗鼓譟還趨京師入城百姓駭走〔司馬相如上林賦〕終始
翫產出入涇渭〔注〕霸水出藍田谷
產水亦出藍田谷涇水出安定涇陽

宮闕迴兵埽荆棘掖庭數罪輸桃李富平押衙老有心句曲道士藥如金

氈車開幕望陵樹綵筆襞牋聽苑禽一時刎頸空來送中路贖骸還掩慟收魂召魄秦地愁詭姓藏身楚
鄉夢古今俠者天下聞當風瀝血卽功勳手標長劍重死許薄命佳人淚零雨

金華山游雙龍水壺二洞欲往朝眞洞晚不可到

〔謝翱金華洞人物古蹟記〕金華洞去縣三十里洞有三道
赤松東西鹿田上而下遠望若建瓴水及至復平夷無他險道

北山由上下氣喘喘不暇息然亦不覺勞苦下洞之右爲椒亭亭上望洞口若鐵甕石正青黑洞內外分爲兩由鐵甕入可坐
數百人有穴如蜚頤水出自頤入地中下山復不知何處由頤入臥小舟僮僕篝火傳舟進至岸寥泝空廓行颼颼有聲由右

轉左。復從頤出洞外二百步。至中洞口。自洞口東炬。回旋入地底。一出出良久。有二里。至上洞。上洞分左右。爲兩變怪開闔。爲體各不同。而天地山海人物之類最多。歸而以其類識之。總六十有四。併十二而五。得五十七。爲仙人藏身處。一石黃色。亘地在外。洞右爲道人。比肩而立。各一。在外洞上頂旁爲大士。垂珠纓絡。箕踞而坐者。一在石之右。凡爲人之類四。而形影小。大有不犯焉。爲碧桃枝實纍纍垂下者。一處在於外洞頂右。爲石筍拔地而玉立者。一斜上蒼紫而迸於地者。一在洞中水簾後。凡爲植物之類三。而苞萌養實有不犯焉。爲蒼龍首尾相應者。一在外洞左。左右對爲龍頭角鬣尾及爪痕如玉者。各一。在內洞右。爲蒼白兩龍鱗鬣欲夾石梁飛度者。一在上洞左角。爲黑龍。而白蛇自背繞其脇者。一爲蟾蜍三足。一在石門限北。爲遊魚布影於石者。一在外洞頂西北。爲蝦蟆匝地者。一在蟾頤著水旁。爲石蜂窠房。隔如綴者。一在蝦蟇石上。頂爲石獅子。爲石虎而踞者。各一。在雪山前。爲大小象脚大二小。一在內右轉左。凡爲山海奇怪之物。總十有四。離而爲二十有一。而鱗介羽毛飛走有不犯焉。前後雪山。一在上洞。爲雲霞五色。二在霜石上。稍西。及上洞右。爲仙人望月者。一在蟾頤受日處。正圓如三五夜。爲日影射石壁。類月光在地者。一處在上洞石之左。爲北斗七星窠。一在外洞外之左。凡爲在天垂象之類九。不犯二三焉。爲天涯海角。各一。在下洞內。右滑臺。一在內之左。爲石紋細湧如水波浪痕者。二在下右。上左。爲仙人種玉田者。一在下左。丘畝步角可數。爲天池。一在上洞天扉下。石井。一在上右角下。皆深黑。莫測所窮。凡爲在地之類八。不犯一二焉。爲石門限溜室窗櫺。各一。在石限內。爲石柱。一在大小象脚外。石室。一在水簾石筍後。水落沙石盛之。輒滲下不溢。簾後東炬可立先出者。視互出入者。與東炬立簾後者。若神人然。爲石梁。一在天池左。可數十丈。爲天扉。中折日光射其內者。一從洞背尋拆處。復不可見。凡爲棟宇之類七。而求其犯者無一焉。爲石鐘鼓。自洞頂懸而虛其下。而聲各如其所名者。一在仙笠東。爲仙笠。一在鼓西。爲筆格。而山立者。一爲硯滴。石穿溜若引蟻鑽珠。而洞頂滴泉正當其處。一與筆格自爲左右。爲懸鐘寶蓋。類雲氣結而天花雨者。一在鐘鼓南。爲天人掛衣痕。覺覺如新者。一在石牀右。石牀。一在衣左。爲小掛衣。一在外洞黃石上。側。爲水簾飛空而下。類珠碧綴成者。一在中洞旋石中。爲小懸鐘。二在中洞及上左。凡爲器玩之物十有二。而求其犯者無一焉。余嘗喜獨行山水。

間遇古蹟奇玩見於外有過此無不及者至內觀若神犀寶鼎燭影圖物夔龍罔兩天地山海之藏皆莫得逃其狀此爲尤絕友人方君鳳既集爲行紀志所變怪先後有差余嘗欲與善畫者日夜相對鑿鑿其下寫爲圖分合數面求書尾於山林畸人靜者傳之後數百年以爲希世之寶而力有未能輒敘其槩而爲之記凡以昔之得游而觀者數千年既不可知其人而往矣後之欲圖而觀者數千百年豈無有與我同志者其於此庶乎其有考也

金華三十六洞天

〔金華山志〕山高一千餘丈周三百六十餘里山巔雙巒曰玉壺曰金盆壺中有湖名徐公湖水分兩派而下其瀉乎山之陽者由山橋而達於溪其注乎山之陰者由鹿田而入於洞盆中有飛瀑瀉出若玉虹下垂注爲赤

松澗山橋兩岸對峙高數百仞有石橫跨其上鹿田峯巒聳拔上有沃野可耕洞曰金華洞即道經所稱三十六洞天也

高崖巨壑多風煙老石斗甕寒鳴泉蠻花鐵樹森戈鋌鳥

獸絕跡鬼魅羶

〔郭璞江賦〕江妃含嘯而聯眇眇音綿眇視貌

清竈辟窳巢神仙

竈音幽〔說文〕竈微也〔張衡西京賦〕望窳窳以徑廷窳音叶窳音調深遠貌

虛泓嚙趾墓頤

然怪鑿窳落關屋楊

楊音眠〔說文〕屋楊聯也作楊

涼飈倒韞噲欲穿

韞音伏本作韞〔廣韻〕車具

凍乳冰髓偃就船熒光爚冥竹炬蕤

〔集韻〕然古作蕤〔陸倕石闕銘〕刑酷蕤炭

積蘚蹊屨跣卻趨

蹊音圖〔玉篇〕足跌也屨音腳〔說文〕屨也〔增韻〕木曰屨麻曰屨蹊音樞〔說文〕行蹊蹊也一日行曲音貌

危棟結宇深局鍵

曲房密閣極遂延困倉斂穢列町囁

〔說文〕田踐處曰町囁同囁〔說文〕城下田也

橈架鞬捲冠裳懸

橈音讀〔玉篇〕弓衣也韞也

鐘樂鼓簞屹不

遷樂音鸞〔考工記〕鳧氏爲鐘兩樂謂之鈇〔注〕古應鐘之鐘不圓狀如今之鈴故有兩角也

彤霞寶蓋爛瑛鮮蜚幢舞節恍後前垂龍天矯角鬣全穹龜絡蛇

白以玄。狡頭象脚伏獬獬。

狡音酸。解見題溫日觀蒲萄。獬音連。緣音傳。〔集韻〕獸走貌。

蟾蜍蝕月囚重縲。

縲音娟。水迴復之貌。

霏霜霰雪凝真鉛。靈溪流

潺截中邊。祕穴漆黑跼背肩。神閭峻拒亟我旋。暗井瞰腹抱豁圓。仰竅斷縞矚或顛。

縞音聿。〔說文〕縲也。〔揚子方言〕關東謂之縲。關西

謂之縲。

妖蛟產輒滑吐涎。

〔淮南子〕獸胎不續。鳥卵不輒。〔注〕胎不成獸曰輒。卵不成鳥曰輒。輒音獨。輒音段。

水簾洒空萬琲聯。

琲音癖。〔說文〕珠五百枚也。〔吳都賦〕珠琲闌干。〔注〕琲貫也。珠

十貫爲一琲。

馮夷海國潞爲淵。

馮夷。解見泊道隆觀。

窺覘欲下手足拳。悔懼咋舌恐有愆。給其奧室別據巔。

〔張衡思立賦〕趨給闢之洞穴。〔注〕

深貌。給音哈。

薦蘿藤蔓亂糾纏。

〔詩〕薦與女蘿。

蝙蝠翅股掛復翮。

翮音喧。〔說文〕水飛也。

蜥蜴弄電窟宅專。

蜥蜴。解見浦陽十景。

梵質蕃飾垂

蝙蝠。寶纓珠珞窮雕鐫。精英象物得氣先。上踞下伏總一甄。

〔左思魏都賦〕玄化所甄。

鬱磴陟絕愁攀緣。

鬱音哈。〔說文〕缺齒也。嗟

予學道苦未堅。起攀昌陽望延年。

〔韓愈進學解〕昌陽引年。〔按〕昌陽。昌蒲別名。

乾堪坤輿自方圓。稟生受有吾拘攣。羽毛鱗介正

或偏。飛潛動植過百千。宮居竈食類螳蜋。

〔爾雅注〕螳蜋子未有翅者音沿。

酸醎淡澁朽臭羶。揭鑑照面益削脰。運劍剖腹

猛滌滌。

〔五代史〕王仁裕少嘗夢剖其腸胃以西江水滌之。文思益進。

貪贏嗇厚務死權。

〔莊子〕貪財而取慰貪權而取竭。

息黥補劓吁誰賢。

〔又〕庸詎知夫造物者之不息我黥而

補我剏使我乘。我疑神仙住渺緜。黃庭鬱璘內景蜺。黃庭解見去歲留杭。芙蓉城闕麒麟戟。〔括異志〕慶歷志有朝士冒晨赴起居通衢見美婦三十餘人並馬而

行。若前導者。俄見丁觀文度。按轡繼之。有一人最後行。問之曰。觀文將遊何處。曰。非也。諸女御迎芙蓉館主。時丁已在告頃之開卒。蓬萊樓閣魚龍鞭。句解見泰山高。服閭賣瓜俗骨痊。〔列仙傳〕服閭不知何

所人也。往來海濱諸祠中。見三仙人博賭瓜。顧問使擔黃白瓜數千頭。致令瞑目及覺。乃在方丈山。道華啖棗彭仇捐。〔神仙傳〕永樂有無核棗。道士侯道華獨得之。〔蘇軾詩〕驅攘三彭仇。已我心腹疾。〔注〕三彭。三尸姓也。柳子厚曰。有

道士言人皆有尸蟲三處腹中。伺人隱微失悞。輒籍記。日庚申。幸其人之昏睡。出譏於帝。是以人多謫過天死。白河炤耀踏斗纏。滄海攪碎觀桑田。句解見望馬秦諸山。盍獨闕此使世

癩。我卜我筮還筮尊。〔離騷索瓊〕茅以筮尊。命靈氛爲余占之。〔注〕瓊茅。靈草也。筮。小折竹也。楚人名結草折竹以卜。曰筮。靈氛古明占吉凶者。筮音廷。靈音專。喝開三洞薄八埏。喝開三洞。用碣石巖

事解見蒲陽十景。〔淮南子〕九州之外有八埏。翻然直駕鶴與鳶。

韓吉父座上觀漢陽大別山禹柏圖。〔禹貢〕嶧冢導漾。東流爲漢。又東爲滄浪之水。過三澨。至于大別。〔名勝志〕三國志云。魏初定荊州。屯沔陽。以爲重鎮。沔陽者。漢陽也。今隸湖廣。〔寰宇記〕

大別山。在漢陽府漢陽縣東北。

大別名山如伏鼉。大別古柏如立猱。舊聞夏后手所植。直軋南國如蓬蒿。軋音振。洪水曾當澤洞極。聖躬乃

此胼胝勞乘舟荆衡地可盡。

〔禹貢〕荆及衡陽惟荊州。

作貢雲夢天爭高。

雲夢解見夕泛海東。

一時栽樹託所歷千載摩撫繫其

遭本根盤擎屹肩屬。

〔左思吳都賦〕巨靈肩屬首冠靈山肩音避屬音係大龜螭之屬好負重今石碑下龜趺象其形。

枝葉挺拔森旌旄礙日吟風聳楚阻欺霜

傲雪塵秦鑿夜行夏首影弄月。

〔名勝志〕武昌府漢之江夏郡也江夏縣有夏口城在黃鵠山東北吳孫權所築一作夏首。

曉艤鄂渚聲吹濤。

〔又〕秦鄂縣漢武帝封姊爲鄂邑長公

主於此吳孫權徙都之更名武昌仍與鄂縣並置隋唐省鄂入武昌。

信哉冥靈欲等壽材比杵榦終稱豪。

〔禹貢〕杵榦枯柏。

屏除畱翳虎豹泣。

〔詩〕作之屏之其苗其翳。

鎮斷夔魍蛟龍逃。

解見觀張循王戰處。

匠石徘徊卻喪斧篙工睥睨寧維剡吾知嘉木辨爾雅。

〔郭璞爾雅序〕可以博物不惑多識於鳥獸草木之名

者莫近於爾雅。

但惜芳草遺離騷平生環轍苦未到幸此畫筆何從操豈非神明護正直使在方漢雄城壕。

〔左傳〕楚國方

城以爲城漢水以爲池。

樓桑出牆尙久特。

〔名勝志〕樓桑里劉備之舊里也蜀志云先主少孤販履織席爲業舍東南角簷上有桑樹生高五丈遙見童童如小車蓋或謂當出貴人先主戲言吾必當乘此羽葆蓋車。

巨櫟蔽

社猶堅牢。

解見得杭州書。

惟茲所重有聖德坐見餘物眞秋毫自來劉李富宮室命下荆蜀刮土毛。

劉謂漢武帝解見題方景賢枯木竹

石李謂唐太宗〔按〕通鑑太宗翠微玉華二宮營繕相繼所費巨億萬計。

一榮一枯驗世道勿剪勿伐臨江阜。

〔詩〕勿剪勿伐召伯所茇。

穆滿蒼茫黃竹詠。

〔穆天子傳〕

天子周巡。至于黃竹。天子乃休。日中大寒。北風雨雪。天子作詩。我徂黃竹。三章以哀民。

重華慘澹蒼梧號。

〔書〕曰若稽古帝舜。重華協于帝。蒼梧解見望會稽山。

渺然萬古萬萬古。西望嘆息。

同霑袍。

同吳正傳詠龔巖叟小兒高馬圖

北平爰臂久不候。

〔前漢李廣傳〕上召拜廣爲右北平太守。〔又〕爲人長爰臂。其善射亦天性。〔又〕廣不得爵邑。官不過九卿。廣之軍吏及士卒。或取封侯。

伏波矍鑠空持矛。

〔後漢馬援傳〕援據鞍。

顧盼以示可用。帝笑曰。矍鑠哉。是翁也。

并州小兒十歲許。

〔李白詩〕經過燕太子。結託并州兒。

雙足捷走眞驊騮。

〔穆天子傳〕穆王欲使車轍馬跡。遍行天下。乘八駿馬。奔戎爲右。造父爲御。〔注〕驊騮。

驊騮赤驕。白兔。撓渠。黃駒。盜驪。山子。〔淮南子〕驊騮驟駟。一日而至千里。然使之搏兔。不如豺狼。伎能殊也。

金鞍玉勒絲轡絡。肉鬣風鬣雪斷齟。郊衢一躍自矜驕。血氣

未完先躡躑。

躑同闕。躑音洛。

漢皇神武駕英雄。西極飛來八尺龍。

八尺龍。解見送鄭浚常。

城東鬪雞爾尙可。

解見畫馬行。

磧外鳴劍

吾無功。初陽卻照長楸道。白髮奚官泣枯草。

奚官。解見畫馬行。

悠悠翠蓋與鸞旗。老矣驊騮那得知。

〔揚雄甘泉賦〕流星施以電燭兮。

威翠蓋而鸞旗。

古俠客行

〔郭茂倩樂府詩集〕戰國公子。皆藉王公之勢。競爲遊俠。以取重諸侯。顯名天下。後世遂有遊俠曲。魏陳琳。管張華。又有博陵王公俠曲。〔李白詩注〕樂府遊俠二十五曲。中有俠客行。

長安天闕制九州。

〔一統志〕晉元帝初作宮殿王導指雙闕曰此天闕也。〔書〕九州攸同。

河北列鎮類諸侯。

〔通鑑〕唐代宗廣德元年正月以薛嵩爲相衛邢洺貝磁六州節度使田承嗣爲魏博德滄

瀛五州都防禦使四月又分河北諸州節度以幽莫嬭檀平薊爲幽州管恆定趙深易爲成德軍管相貝邢洺爲相州管魏博德爲魏州管滄棣冀瀛爲青淄管懷衛河陽爲澤潞管〔按〕貝州今廣平府磁屬彰德府魏今大名府博今東昌府德州屬濟南府滄瀛俱河間府幽今順天府莫州故城在河間府任丘縣北嬭今延慶府檀今密雲縣平今永州府薊屬順天府易屬保定府棣省入滄州冀屬眞定府相今彰德府衛州今衛輝府洺今廣平府邢今順德府恆趙深定易皆眞定府

私劍縱橫常滿路。

錦袍結束耀珠韝。

〔前漢東方朔傳〕董君綠幘傳韝。〔注〕韝昭曰韝形如射韝以縛左右手於事便也師古曰即今之臂韝也。

初月三更動千里紅線女郎勝男子金合

書名斗柄高繡幃被髮心神死使臣單騎急叩城唇齒兩河休用兵帳前盜賊在鄰道陣外旌旗無硬營

浩歌置酒紅線去夜叉飛天渺何處昔日驕鸞曉雨花今朝脫兔秋風樹當筵一笑卻生塵累賜千金豈

顧身。〔段成式劍俠傳〕唐潞州節度使薛嵩家青衣紅線者善彈阮咸又通經史嵩召俾掌機表號曰白記室時朝廷命嵩嫁女魏博節度使田承嗣男又遣嵩男娶滑臺節度使胡章女三鎮交締爲姻姻使蓋相接田承嗣意欲移鎮山東乃募軍中勇士十倍者得

三千人號外宅男而厚其廩給常令三百人夜直宅中卜良日欲并潞州嵩聞之日夕憂悶計無所出夜漏方深幃門已閉策杖庭除唯紅線從焉紅線曰主公一月不遑寢息意有所屬豈非鄰境乎某誠賤品亦能解主公之憂某暫到魏境觀其形勢視其有無今一更首途二更可復命請先定一走馬使具寒暄書其他則待某卻回也嵩難之紅線曰此行無不濟也乃入房飾行具梳烏蠻髻插金鳳釵衣紫繡短袍着青絲履胸前掛龍文七首額上書太乙神名再拜而行倏忽不見嵩乃返身閉戶背燭危坐忽聞曉角吟風一葉墜露驚而起問紅線回矣嵩喜而慰勞詢事諸否紅線對曰幸不辱命又聞無殺傷否曰不至是但取床頭金合爲信耳又曰某子夜前三刻即達魏城凡歷數門遂及寢所聞外宅兒正於房廊睡聲雷動見中軍士卒步於庭下傳叫風生乃發其左扉抵其寢帳田親家止於帳內鼓

跌酣眠。頭枕文犀枕。枕前露七星劍。劍前仰開一金合。內書生身甲子。與北斗神名。復以名香美珠。壓鎮其上。時則蠟炬烟微。爐香燼委。侍人四布。兵仗森羅。某乃拔其簪珥。襲其裳衣。如病如醒。皆不能寤。遂持金合以歸。出魏城西門。將行二百里。晨鐘動野。斜月在林。夜漏三時。往返七百里。嵩乃發使入魏。遣承嗣書曰。昨來暮夜。有客自魏中來云。從元帥床頭。獲一金合。不敢留駐。謹卻封納。專使星馳。夜半方達。正見搜捕金合。一軍驚疑。使者以馬捶搥門。非時請見。承嗣遽出。使者以金合授之。捧承之時。驚惶絕倒。明日遣使資馬幣珍異等。以獻於嵩曰。某之首領。繫在恩私。便宜知過自新。不復更貽伊戚。所置紀綱。外宅兒者。本防他盜。亦非異圖。令並脫其甲裳。放歸田畝矣。由是兩月之內。河北河南。信使交至。忽一日。紅線辭去。嵩強留之。願以千金爲居山之所。紅線不可。嵩乃廣爲餞別。悉集賓僚。夜宴中堂。嵩以罰送紅線酒。不勝其悲。紅線拜且泣。因僞醉離席。遂亡所在。〔又夜叉傳〕唐進士薛綜。遊河北衛州界。遇一病僧。僧爲言。少年時好遊絕國。一日遙見一女人。衣緋裙。跣足袒膊。被髮而走。其疾如風。又忽見有人乘甲馬。衣黃金衣。備弓劍。奔跳如電。至僧前問曰。見緋裙人否。此非人。磨勒踏垣獒犬伏。〔劍俠傳〕唐一品家歌姬紅綃。慕崔生。約十五日赴院。崔生家昆崙磨勒云。一品宅有猛犬守乃飛天夜叉也。磨勒踏垣獒犬伏。歌妓院門外。常人不得入。入必噬殺之。其警如神。其猛如虎。即曹孟海州之犬也。今夕當爲郎君搗殺之。三更攜鍊錐而往。食頃而回曰。犬已斃矣。乃負生逾十重垣而入。歌妓院內。又負生及姬而飛出。峻垣十重。一品之家。守禦無有警者。水精絕海蟄龍噴。〔蘇軾詩〕龍應抱寶眠。〔注〕傳奇載夜常有光如虹。邯鄲命水精入井。良久出。曰有一黃龍極大。抱數顆明珠熟寐。世上出沒幾紅線。織夫細兒徒股戰。不盡英雄草澤間。教人恨殺虬髯傳。〔杜光庭撰豪客傳〕楊素家妓紅拂。投奔李靖。靖挾之。將歸太原。於旅舍遇一人。赤髯如虬。與妓結爲兄妹。約靖先後同至太原。見文皇。又約靖與姬入京。同詣某坊曲小宅相訪。悉取藏寶貨泉貝相贈曰。太原李氏。眞英主也。三五年內。即當太平。持予之贈。以輔眞主。此後十年。東南數千里外有異事。是吾得事之秋也。汝二人可瀝酒向東南相賀。遂不復見。靖據其宅。爲豪家助文皇匡定天下。貞觀十年。南蠻奏扶餘國殺其主自立。國已定矣。靖已知虬髯得事也。

寄吳正傳

自昔攜手燕南門。長風洒雪衣不溫。向來所見夢一覺。今縱欲語舌欲吞。日斜慷慨與子別。班馬跳躍東

西奔。

〔左傳〕有班馬之聲。齊師宵遁。

色摩中州翠嶽聳。波濯列壤黃河渾。指麾齊秦擊快鶻。凌厲楚漢抽枯龜。彼雖失矣

幸得此。英氣挾酒猶飛鷺。常憶仲春大羽獵。九衢絃直歸乘輅。

〔後漢黨錮傳〕直如絃。死道邊。〔鮑照詩〕直如朱絲絃。

綵女分行引樂

伎。材官夾道羅弓韃。

〔史記周勃世家〕材官引彊。

須臾紛騰一萬騎。足所未及塵爲昏。中使計功促筵秩。崑崙玄圃惟目

存。

〔屈原文問〕崑崙嵒縣圃其尻安在。

威鳳文章脩能集。祥麟郊藪將不誼。

〔記〕天不愛其道。地不愛其寶。人不愛其情。故麟鳳游郊藪。龜龍在宮沼。〔尚書中候〕黃帝時天氣休通五行期化。鳳皇巢於

阿閣。威麟在圃。

信知天邑自壯麗。誰使游士爭扳援。悲哉小草有遠志。

〔世說〕謝公始有東山之志。後嚴命屢臻。勢不獲已。始就桓公司馬。於時人有餉桓公藥草。中有遠志。公取

以問謝。此藥又名小草。何一物而有二稱。謝未即答。時郝隆在坐。應聲答曰。此甚易解。處則爲遠志。出則爲小草。謝甚有愧色。桓公目謝而笑曰。郝參軍此過乃不惡。亦極有會。

隨即大挫栖丘樊。

〔白居易詩〕大隱在朝市。小隱在丘樊。

恢奇俊偉莫子若。便可上拂勾陳垣。

勾陳。解見送鄭獻可。

來乘東楚又一載。此地聞舊稱雄藩。居民雜作他郡劇。治

道小試平生言。秋行荒墟翠稻實。

〔晉書〕郭翻欲墾荒田。先立表田。經年無主。乃作稻將熟。有認之者。悉推與之。墟音輓。平聲。

夜艤巨漈明珠燉。

〔謝承後漢書〕孟嘗爲合浦太守。